



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XI. Markgraf Johann stiftet die Stadt Lychen, am 23. Januar 1428.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

muniri. Acta sunt anno Domini M^o. CC^o. XLVII^o., indictione XV, epacta XII, III^o kal. Maji, pontificatus nostri anno sexto.

Aus dem Urkundenbuch des hist. Vereins für Niedersachsen II, 181 nach einem Chartularium Walkenriedense der Königl. Bibliothek zu Hannover fol. 136.

X. Das Brandenburgische Domcapitel bestätigt die vorstehende Schenkung des Bischofs Ruthger, am 29. April 1247.

Petrus, prepositus, totumque Brandenburgensis ecclesie capitulum omnibus hanc literam intuentibus in perpetuum. Si famulis Christi nostre benevolentie favorem inpendimus eorum paupertatem voluntariam pro nostra possibilitate sublevando, id de ipsorum crebris orationibus nos credimus affecturos, ut pensantem hominum merita Deum, cujus adventum pertimescimus, in novissimo die securi judicem videamus. Hinc est, quod universitati vestre cupimus notum esse, quod nos dilectis in Christo fratribus et amicis de Walkenried ad necessitatis eorundem supplementum, ob remuneracionem divinam, conferimus decimam eis, imitantes pio affectu venerabilis episcopi nostri domini Ruthgeri vestigia, qui et eandem eis decimam, in Ukerā videlicet super centum mansis, pia liberalitate contulit atque collatam suis literis confirmavit. Sane communi de consensu hanc domini episcopi approbantes decime collationem, tenore presentium donamus eam prefatis fratribus communiter atque donatam legitime presenti pagina confirmamus cum omni juris integritate perpetuo possidendam. Hujus rei testes sunt Rodericus, abbas de Cinna, Sigerus abbas de Lenin, Symeon, prepositus, Henricus, plebanus de Oderberge, Giso, capellanus, Heidenricus, notarius, Johannes de Warnowe, Hermannus de Templo, Conradus de Walkenrieth, plebani, Wernherus, schuletus de Stettin, Marfilius, schuletus de Berlin, Fridericus, advocatus episcopi Brandenburgensis, et alii quam plures. Ut autem hec nulla queant calumpnia inmutari et ne alicujus improbitate possint in futurum perturbari, presentem paginam inde conscriptam sigillo ecclesie nostre fecimus communiri. Acta sunt hec anno Domini millesimo ducentesimo quadagesimo septimo, indictione XV., epacta XII., III^o kal. Maji.

Urkundenbuch des hist. Vereins für Niedersachsen II, 182 aus einem Chartularium Walkenriedense der Königl. Bibliothek zu Hannover fol. 111.

XI. Markgraf Johann stiftet die Stadt Lychen, am 23. Januar 1248.

In nomine sancte et individue trinitatis. Johannes, dei gracia Marchio Brandenburgensis, omnibus in perpetuum. Temporis mobilitas et humane memorie instabilitas exigit et requirit, ut ad notitiam posterorum gesta precedentium scriptis authenticis commissa commaneant, ne per oblivionem, que inimica solet esse posteritatis, argumenta veritatis obtenebrentur et dubia questio generetur. Proinde notum esse volumus tam presentibus quam futuris, quod nos fidelibus no-

fratris Danieli et Eberhardo de Parwenitz, fratribus, civitatem nostram in Lichen sub tali forma dedimus construendam, quod totius census tam de areis, quam de viretis pars tertia sit eorum, sicut et tertius denarius in civitate per iudicium accersitus. Huic iterum civitati nostre adiecimus centum et quinquaginta mansos, quorum centum in agriculturam et quinquaginta in pascua pecorum nos recognoscimus deputasse, ita tamen, quod de quolibet illorum, qui videlicet agrorum culture fuerunt assignati, trium solidorum denariorum Brandenb. annuatim nobis pensio debeatur. Expirantibus itaque sex annis, quos ipsi civitati a festo beati Martini proxime venturo jam antea indulimus libertatis, ipsam civitatem eodem jure, quo alias civitates nostras gavissam esse volumus ac contentam. Insuper et in aquis adjacentibus cum rufis videlicet et minutis retibus eisdem fratribus et ejusdem civitatis incolis piscandi similiter contulimus facultatem. Verum etiam predictis fratribus contulimus quinquaginta mansos, et quandam insulam sedecim mansos continentem, eidem civitati similiter adjacentes, et duas claufuras sive capturas piscium in fluvio prope civitatem sitas, que omnia per se jure feudali et titulo possidebunt, Insuper et duo molendina ad officium prefecture spectantia, unum nempe in fluvio Costernitz et aliud apud civitatem situm, eisdem fratribus specialem facientes gratiam, eo jure contulimus, quod nec nos, nec nostri heredes ipsos debeant aliqua alia structura ipsis nociva ledere vel turbare. Et ut hec nostra collatio futuris temporibus stabilis perseveret, presentem paginam conscribi iussimus et sigilli nostri munitione roborari. Hujus rei testes sunt Henricus de Stegelitz, Burchardus de Valewanz, Fridericus de Bertekow, Fridericus, quondam Advocatus in Spandow, Gerhardus Seher, Henricus de Snetling et alii quam plures. Datum per manum Henrici, Notarii curie nostre, Anno Domini M. CC. XLVIII, in crastino sancti Vincentii Martyris.

Aus verschiedenen verglichenen Copien.

XII. Ablassbrief des Bischofs Otto von Brandenburg, wodurch er die Gläubigen zur Förderung des Baues des Klosters Zehdenick ermuntert, vom 25. April 1255.

Universis cristi Fidelibus, presentes litteras audituris, Otto, dei gratia Brandenburgensis Episcopus, in Jesu cristo salutem. Quoniam, ut ait apostolus, omnes stabimus ante tribunal cristi, recepturi prout in corpore gessimus, sive bonum fuerit, sive malum: oportet, nos diem messionis extreme misericordie operibus prevenire ac eternorum intuitu seminare in terris, quod reddente domino cum multiplicato fructu recolligere debeamus in celis, Firmam spem fiduciam tenentes, quoniam, qui parce seminat, parce etiam metet, et qui seminat in benedictionibus, de benedictionibus metet etiam vitam eternam. Cum igitur ecclesia ancillarum cristi in Cedelic ad consummationem operis laudabiliter inchoati non habeat facultates, nisi a cristi fidelibus adjuvetur: universitatem vestram monemus, rogamus ac in domino salubriter exhortamur, vobis nihilominus in remissionem injungimus peccatorum, quatinus de bonis, a domino vobis collatis, pias elemofinas vestras et grata eidem caritatis subsidia erogetis, Ut per vestram subventionem dicte ecclesie inopie succurratur et vos per hoc et alia bona, que domino annuente feceritis, possitis ad eterne felicitatis gaudia pervenire. Nos vero de omnipotentis dei misericordia et beatorum Petri et pauli apostolorum ejus auctoritate confisi, omnibus, qui ad jam dictam ecclesiam suas elemofinas fuerint elargiti